



INUIT ATAQATIGIIT INATSISARTUNI

5. februar 2008

Inatsisartut suleriaasianni § 36, immikkortoq 1 naapertorlugu matumuuna Naalackersuisunut imaatumik apeqquteqarpunga:

Apeqqutit:

- Qanga Avannaata Ilinniarnertuunngorniarfia Aasianniit illoqarfimmut allamut nuunniarneqarnera Naalackersuisuniit nalunaarutigineqarami ?

- Taamaattoqarsimappat soq Inatsisartuni ilaasortat ilisimatinneqarsimangilat ?

(Inatsisartunut ilaasortaq Ane Hansen, Inuit Ataqatigiit)

Tungavilersuut:

Aasiaat Borgmesteriat ukiortaami ukioq qaangiuttoq pillugu Lokalradio aqputigalugu oqalugiarnermi innuttaasunut ilaatigut imaatumik paasissutissiivoq; issuaavunga:

"Ilisimaneqarpoq Avannaata ilinniarnertuunngorniarfia tassa GU maani inissisimasoq aamma illoqarfimmut allamut nuunniarneqartoq nalunaarutigineqarmat, nuussiniarneq unitsinniarlutigu sulinerput ingerlassimagatsigu oqartussaanerpaasut taasalu Naalackersuisut aqputingalutigit suleqatingalutigillu Avannaata ilinniarnertuunngorniarfiata allamut nuunneqannginnissaa anguniarsimavarput nuannaarutigeqisatsinillu kingumut iluatsittumik ilinniarnertuunngorniarfik illoqarfitsinni piunnartussanngorlutigu inississimallutigu.

Tamatumalu kinguneranik piorsaaneq kingumut aallartinneqartissinnaasimavarput ilinniartut najunqaqarfissaanik massakut sanaartorneq ingerlanneqarpoq (kolliegiassat) marluk sanaartorneqarput ilinniartitsisullu inissaat aamma sanaartorneqarlutik. taakkualu piareerpata allat kolliegiat marluk aamma sanaartorneqarlutik aallatissallutik.

Nuannersuuvoq illoqarfimmut allamut nuussiniarnerungaluaq maanna piorsaaningortikkatsigu.... "

Innuttaasunut paasissutissiineq taamaattoq soorunami oqallinnermik apeqqutinillu aallartitsipput, uangalu Inatsisartuni ilaasortatut aperineqartarama eqqortumik akissutissaqarumallunga taamatut apeqquteqarpunga.